



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iohannis Scheffleri S. R. Eccl. Presbyteri Concilium  
Tridentinum antè Tridentinum**

**Angelus <Silesius>**

**Nissæ, 1675**

Præfatio, Amice Lector.

**urn:nbn:de:hbz:466:1-42264**



## PRÆFATIO,

Amice Lector,

**A**nta est in procello-  
so hujus Mundi ma-  
ri religionum & o-  
pinionum divorfitas, ut homo  
de salute suâ anxius, inter tot tu-  
multuantium, ac hic est Christus  
clamantium vociferationes ne-  
sciat, quorsum se vertere, aut  
ubi pedem suum sistere debeat;  
nisi singulari divinæ gratiæ fa-  
vonio afflatus & impulsus, se-  
cundum Cynosuram cursum

A 2

suum



## Præfatio.

suum dirigat, atq; ita in veræ  
Ecclesiæ portum perveniat;  
In primis enim verū est, unam  
saltem esse veram Ecclesiam,  
extra quam nemo salvari, u-  
namq; ab eâ inseparabilem fi-  
dem salvificam, sine quâ DEO  
nemo placere possit. Quod,  
cum non solum sacræ Scriptu-  
ræ, & omnium Ecclesiæ Do-  
ctorum autoritate roboretur;  
verum etiam unanimi omnium  
gentium & sectarum consensu,  
quarum unaquæq; suam talem  
esse, sicq; se in illâ salvari posse  
putant, approbetur: Facile  
videre est, quàm frivola sit  
quo-



## Præfatio.

quorundam Pseudopoliticorum  
contra totius Mundi sensum,  
quemlibet in suâ religione sal-  
vari posse, asserentium opinio.  
Cum igitur nec his assentien-  
dum, nec cum alijs perpetuo flu-  
tuandum sit; Et tamen ex  
hac unâ re æterna vel felicitas  
vel infelicitas pendeat: uni-  
cuiq; summâ diligentia circum-  
spiciendum est, ut illam Cyno-  
suram invenire, Et sic in ve-  
ra Ecclesiæ portum se recipere  
valeat. Cynosura illa, omnium  
consensu, non est alia; quàm  
Primitiva Ecclesia. Manife-  
stum est enim etiam Doctores



## Præfatio.

beterodoxos convenire, quod in primis quatuor seculis Ecclesia visibilis fuerit vera, incorrupta, incontaminata, atque ita nullis nec fidei nec doctrinae erroribus obnoxia Sponsa Christi. Quæ cum ultrò concedant, & nobiscum idem affirmantibus liberè sentiant, prorsusq; consuetaneum sit, veræ Ecclesie omnia quoque minima vera esse debere, cum aliàs non vera, sed falsa esset: nulla videtur certior, melior, & securior via aut regula, inter tot dissidentes, quibus Christianus Orbis divisus est sectas, veram & genu-



## Præfatio.

genuinam inveniendi Ecclesiam, quàm illorum quatuor sæculorum doctrinam, fidem, mores, & religiosos actūs conquirere, atq; ex ijs formam illius Ecclesie cognoscere. Illâ enim cognitâ facilè ac per se patebit, quæ sit vera, quæ falsa Ecclesia, hoc infallibili superinducto argumento.

Quaecunq; Ecclesia Primitivæ quatuor sæculorum Ecclesie est conformis, illa est vera, incorrupta, incontaminata, atque genuina Christi Ecclesia.

Illâ Ecclesia, in quâ vigent primitivæ doctrina, fides, mores,



## Præfatio.

res, actus religiosi, est isti primitivæ conformis.

E illa Ecclesia, in quâ ista omnia vigent est vera, incorrupta, incontaminata, atq; genuina Christi Ecclesia.

E contra: Quæcunq; Ecclesia illi primitivæ non est conformis, illa est falsa, corrupta, atq; hæretica.

Illa Ecclesia, in quâ non vigent primitivæ doctrina, fides, mores, & actus religiosi, isti primitivæ non est conformis.

E, illa Ecclesia est falsa corrupta atq; hæretica.

Quæ conclusiones tam claræ sunt.



## Præfatio.

sunt, ut à nemine vel in dubi-  
um vocandas, vel reijciendas  
fore credam; nisi veram Ec-  
clesiam nunquã extitisse præ-  
sumptosissimã insaniam blate-  
rare velit; aut tot tantorum-  
que virorum testimonia inani  
nugatione nævos Patrum di-  
cere. Quapropter cum infal-  
libiliter certus sim, modernam  
Romanam Catholicam Eccle-  
siam cum ista primitiva in o-  
mnibus convenire, meusq; cri-  
minator Bohemo-Lipsicus more  
sue farine hominum olim futi-  
lissimè mihi oggannierit, do-  
ctrinam Concilij Tridētini no-



## Præfatio.

vam esse; volui omnibus mendacissimo tali clamore deceptis demonstrare, illam prorsus non novam, sed antiquissimam di-  
ctæque Primitivæ Ecclesiæ do-  
ctrinæ ex asse conformem esse.  
Collegi ergo in omnia Confessio-  
nis Tridentinæ puncta Eccle-  
siæ primitivæ testimonia, &  
ea quidem non multa, tot ta-  
men ac tanta, quæ pro plenissi-  
mâ demonstratione in parvo  
manuali quod intendi, ad hæ-  
reticorum confusionem, & con-  
fortationem Catholicorum suf-  
ficere arbitratus sum. In qui-  
bus etiam hoc præstiti, ut omnia  
in i-



## Præfatio.

in ipsis fontibus tædiosissimo labore viderim & exscripserim, quo lectorẽ omni ex parte securum reddere possem, nihil sibi falsum aut mutilatum proponi. Suscipiat igitur grato animo, & si foris est, vela pandat, cursumq; suum secundum hanc Cynosuram ex ipsã suorum sententiã infallibilem, in Romanae utpote veræ Catholicæ & Apostolicæ Ecclesiæ portum dirigat; ne hæresis callida & funesta illa Tyrannis, animum ejus veneficio suo totaliter dementet atque obcæcet, scopulisque errorum illidens infelicissi-



Præfatio.

cissimo naufragio in eterne  
damnationis abyssum præcipi-  
tet. Quod ut evadat, hoc ipso  
labore meo sicut intendi, ita  
E præsentatione ejusdem ani-  
mitus precor.

PRO.